

*Ser Thomas Contarenus,
Ser Gabriel Maurus eques,
Ser Johannes Natalis Salamonus,
Ser Franciscus Maurocenus,
Sapientes terrae firmae.*

*Ser Nicolaus Boldù,
Ser Augustinus Bondimerio,
Ser Zaccarias Trivisano,
Ser Petrus Georgio,
Ser Joannes Aloisius Salamono,
Sapientes Ordinum.*

Continuando il bisogno del stato nostro, è necessario far le provisione solite de trovar danari, et però :

L'anderà parte che per scurlinio de questo Consiglio et 4 man di election nel Mazor Consegio, *cum obblatione de danari*, se debbano far li rezimenti et offici infrascripti, zoè :

Podestà a Bergamo.
Capitanio a Verona.
Podestà a Cologna.
Podestà a Montagnana.
Camerlengo a Padoa.
Camerlengo a Brexa.
Provedor a i Urzinuovi.
Castelan a Pontevigo.
Podestà et provedor a Roman.
Podestà de Asolo.
Podestà et capitanio in Caodistria.
Provedor a Veia.
Conte a Cherso et Ossero.
Conte in Arbe.
Conte et capitanio a Dulzigno.
Podestà in Antivari.
Retor a la Cania.
Consier a la Cania.
Consier a Retimo.
Consier in Candia.
Camerlengo in Candia.
Bailo et capitanio a Corfù.
Consier a Napoli di Romania.
Do camerlenghi in Cipro.
Consolo a Damasco con la condition che è stà electo sier Hironimo Zane.
Avogador extraordinario.
Uno al luogo di Procurator sora i acti.
Un Sopragastaldo.
Zudexe di Proprio.

Zudexe di Petizion.	
Uno ai X officii.	
A la Ternaria vechia.	
Due a la Ternaria nuova.	
Alla zeca di l' oro.	
Alla Iustitia vechia.	
Uno a l' Insida.	
Uno ai X Savii in loco di sier Piero Morexini.	
Camerlengo di Comun.	

Alla restitution veramente de quanto se haverà per imprestedo de ditti rezimenti et officii, siano deputati li danari che per le parte precedente sono stà obligati per li altri regimenti et officii, de li quali danari, abatuti ducati 17 milia 500 per li 5 Consegli ultimamente fatti, restano ducati 22150 ; et apresso siano obligati ducati 20 milia alle infra- scripte camere nostre, zoè di Bressa duc. 8000, de Padoa ducati 6000 et de Treviso ducati 6000 de li anni 1527 et 1528, de li danari che erano deputati alla restituzione de l' imprestedo fatto per le comunità de ditte città. *Item*, siano obligati ducati 10308 del restante dell' imbotadura de Treviso del 1535, et ducati 11 milia de le daie di Padova, de Treviso et di Vicenza del medemo anno 1535, *cum* questa dechiaratione che compiti saranno li preditti ducati 22150, se deba far poi la restitutione de questi altri che hora se obligano a cadauno per rata, cussi de quelli del 1527 et 28, come quelli del 1535, sichè cadauno habia la parte sua et de li presti et de li tardi, et sia preso che segondo le altre parte precedente se debano far senza oblation de danari tre vose almeno per Consegio. Ma non se intendi presa la presente parte, se la non sarà posta et presa nel Mazor Conseio. 290*

De parte	28
De non	14
Non sinceri	2

*Ser Franciscus de Canal,
Ser Vincentius Mauroceno,
Ser Sebastianus Maripetro,
Capita de Quadraginta.*

Volunt partem in omnibus et per omnia prout in ea, cum hac conditione, che per alcuna vose, qual se sia, non se possi offerir meno de ducati 200.

† De parte 145